



**Broj: 07-11-1387/23**

**Datum: 07.08.2023. godine**

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za javnu nabavku roba, usluga i radova, Općinski načelnik d o n o s i

## O D L U K U o izboru najpovoljnijeg ponuđača

### I

Za najpovoljnijeg ponuđača za javnu nabavku radova: „Izvođenje radova na regulaciji rijeke Ljubine na dionici od mosta za Garež do mosta na M18 sa sanacijom klizišta-II faza“, po provedenom otvorenom postupku javne nabavke izabran je sljedeći ponuđač:

**MEVLUDIN COMMERC d.o.o. Sarajevo  
sa ukupnom cijenom od 268.500,00 KM**

(slovima: tristotinečetnaesthiljadajednastotinačetrdesetpet konvertibilnihmaraka) bez uračunatog PDV-a, odnosno 314.145,00 KM (slovima: četiristotinepedesetpethiljadasedamstotinasedamdesetitri i 50/100 konvertibilnihmaraka), sa uračunatim PDV-om i 10,47% popusta.

### II

Za izvršenje ove Odluke zadužuje se Služba za investicije i komunalne poslove Općine Vogošća.

### III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

### IV

Odluka o izboru najpovoljnijeg ponuđača objavit će se na web stranici [www.vogosca.ba](http://www.vogosca.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

## O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 07-11-1387/23 od 12.07.2023. godine.

Procijenjena vrijednost javne nabavke bez uračunatog PDV-a je: 300.000,00 KM (slovima: tristotiinehiljada konvertibilnihmaraka).

Obavještenje o javnoj nabavci broj: 1353-1-3-146-3-131/23 od 12.07.2023. godine, poslano je na objavu na Portal javnih nabavki.

Komisija za javnu nabavku roba, usluga i radova imenovana je Rješenjem Općinskog načelnika broj: 02-04-364/23 od 28.02.2023. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu jedine prispijele ponude, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda Komisije za javnu nabavku je vidljivo da je dana 03.08.2023. godine, pristigle ponude slijedećih ponuđača:

Redni broj	Naziv i sjedište ponuđača
1.	ŠPIC BETON d.o.o. Zenica
2.	MIBRAL d.o.o. Sarajevo
3.	MEVLUDIN COMMERC d.o.o. Sarajevo
4.	TERMO-BETON d.o.o. Breza
5.	HARYSCO d.o.o. Sarajevo

Iz Zapisnika o pregledu i ocjeni ponuda Komisije za javnu nabavku roba, usluga i radova je vidljivo da se Komisija sastala dana 03.08.2023. godine u 17<sup>00</sup> sati, radi pregleda i ocjene prispjelih ponuda, te je konstatovala slijedeće:

#### a) Prihvatljive ponude

Ponude ponuđača: ŠPIC BETON d.o.o. Zenica, MIBRAL d.o.o. Sarajevo i MEVLUDIN COMMERC d.o.o. Sarajevo su prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, te tehničke i profesionalne sposobnosti) zahtjevane u tenderskoj dokumentaciji.

#### b) Nepravilne ponude

1. Nepravilna je ponuda ponuđača **TERMO-BETON d.o.o. Breza** iz razloga što je ponuđač na stranama 19-148 (redni broj stranice) načinio ispravke korektorom, koje nisu potvrđene potpisom ponuđača, niti je naveden datuma sačinjavanja ispravki, a kako je zahtijevano tačkom 8.1.14. tenderskog dokumenta kojim je propisano kako slijedi: „Ispravke u ponudi moraju biti izrađene na način da su vidljive. Ispravke moraju biti potvrđene potpisom ponuđača, uz navođenje datuma ispravke.“
2. Nepravilna je ponuda ponuđača **HARYSCO d.o.o. Sarajevo** iz razloga što ponuđač na strani 10 ponude broj: 03-201/23 od 03.08.2023. godine, nije popunio stavku: „PONUĐENI POPUST (KM)“, a kako je zahtijevano tenderskim dokumentom kojim je propisao kako slijedi: „Za svaku stavku u ponudi mora se navesti cijena (nijedno polje u tabeli ne smije ostati nepopunjeno, čak iako se radi o iznosu 0,00 KM).“  
Dalje, na strani 55 ponude ponuđača broj: 03-201/23 od 03.08.2023. godine, kao dokaz o ispunjavanju uslova u pogledu tehničke i profesionalne sposobnosti, dostavljena je diploma G. Elvisa Omića-rukovaoca rudarske mehanizacije površinskog kopa, dok je tenderskim dokumentom zahtijevano kako slijedi: „...za 2 (dva) lica, SSS ili VŠS-III ili V stepen, smjer rukovalac građevinskim mašinama (KV ili VKV rukovaoci građevinskim mašinama) potrebno je dostaviti Diplome/Svjedočanstva o završenoj traženoj stručnoj spremi i dokaze o radnom angažmanu“

U skladu sa naprijed navedenim ponuda ponuđača: TERMO-BETON d.o.o. Breza i HARYSCO d.o.o. Sarajevo se kao takve nisu mogle uzeti u dalje razmatranje.

Komisija za javne nabavke je izvršila analizu cijena potpunih ponuda, te konstatovala da ponuda ponuđača ŠPIC BETON d.o.o. Zenica sadrži računsku grešku, po jediničnoj cijeni, a koja se

odrazila i na ukupnu ponuđenu cijenu navedenu u ponudi, i ista treba da iznosi: 298.340,69 KM bez uračunatog PDV-a, a ne 297.358,07 KM bez uračunatog PDV-a.

U skladu sa odredbama člana 9.5.1 tenderske dokumentacije ponuđaču je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Kriterij za dodjelu ugovora je najniža cijena.

Rangiranje prihvatljivih ponuda prema kriteriju za izbor ponude:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	ŠPIC BETON d.o.o. Zenica	298.340,69	/	298.340,69
2.	MEVLUDIN COMMERC d.o.o. Sarajevo	299.893,80	/	299.893,80
3.	MIBRAL d.o.o. Sarajevo	299.929,00	/	299.929,00

Ne postoji sumnja u neprirodno nisku cijenu najpovoljnije ponude.

Ponude ponuđača: ŠPIC BETON d.o.o. Zenica, MIBRAL d.o.o. Sarajevo i MEVLUDIN COMMERC d.o.o. Sarajevo su unesene u sistem e-nabavki i zakazana je e-aukcija, koja je održana dana 07.08.2023. godine s početkom u 09<sup>00</sup> sati, i koja je trajala 26 (slovima: dvadesetišest) minuta.

Ugovorni organ je od Agencije za javne nabavke zaprimio Izvještaj o uspješno održanoj e-aukciji, koju dostavljamo u prilogu i shodno kojom je ponuđač MEVLUDIN COMMERC d.o.o. Sarajevo najnižu cijenu koja iznosi: 268.500,00 KM (slovima: dvijestotinešezdesetosamhiljadaipetstotina konvertibilnihmaraka) bez uračunatog PDV-a i sa popustom od 10,47%.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

Redni br. na rang listi	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	Procentualno umanjeње cijene nakon provedene e-aukcije
1.	MEVLUDIN COMMERC d.o.o. Sarajevo	268.500,00	10,47%
2.	ŠPIC BETON d.o.o. Zenica	270.000,00	9,5%
3.	MIBRAL d.o.o. Sarajevo	291.000,00	2,98%

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača MEVLUDIN COMMERC d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 268.500,00 KM (slovima: tristotinečetnaesthiljadajednastotinačetrdesetpet konvertibilnihmaraka) bez uračunatog PDV-a, odnosno 314.145,00 KM (slovima: četiristotinepedesetpethiljadasedamstotinasedamdesetitri i 50/100 konvertibilnihmaraka), sa uračunatim PDV-om i 10,47% popusta te da se ponuđaču MEVLUDIN COMMERC d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je

Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

Izradila: Jasna Salihović

*Jasna Salihović*

Kontrolisala: Melisa Kršo

*Melisa Kršo*



DOSTAVITI:

- ŠPIC BETON d.o.o. Zenica
- MIBRAL d.o.o. Sarajevo
- MEVLUDIN COMMERC d.o.o. Sarajevo
- TERMO-BETON d.o.o. Breza
- HARYSCO d.o.o. Sarajevo
- Nadležnoj Službi
- a/a